

S LO

Afl. 1.25

BRIYANDO FUERTE • TRECIENDO CLARIDAD
DIARAZON 8 MEI 2024

Di Pueblo

**CONSUMIDORNAN MENOS
PESIMISTA DEN E DI SEGUNDO
MITA DI 2023: TA SIGUI TA UN
PREOCUPACION GRANDI**



WWW.SOLODIPUEBLO.COM



SOLODIPUEBLO@GMAIL.COM

**E TA OFICIAL:
LAURA WERNET
PASKEL A HAYA
UN CAYA Y HOFI
NA SU NUMBER
NA HULANDA**



**UKRAINA A DETENE DOS
DI NAN
PROPIO
AGENTENAN
HALTO PA
COMLOT
CU RUSSIA
PA MATA
ZELENSKI**



**AUTO A DRENTA BAO DI
TRAILER NA SANTA MARTA**




**MINISTER ENDY CROES TA
DESEA E EKIPO DI SOFTBALL
HAPPY BROTHERS HOPI
EXITO DEN COPA ABC NA SINT
MAARTEN**



CAMBIO DEN PRIJS DI PRODUCTIONAN PETROLERO 8 MEI 2024

- Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 8 mei 2024:

Gasoline unleaded-premium	: 269,0 cen p/ltr. (+ 2,1 cen)
Diesel LS	: 228,2 cen p/ltr. (- 1,9 cen)
Kerosin	: 211,6 cen p/ltr. (+ 0,7 cen)
E prijsnan ta inclui BBO/BAZV/BAVP	



E TA OFICIAL: LAURA WERNET PASKEL A HAYA UN CAYA Y HOFI NA SU NOMBER NA HULANDA

Pabien Aruba – Pabien Pueblo di Santa Cruz

E noticia a drenta diamars mainta cu e borchí a wordo lanta cu nomber di Laura Wernet Paskel na un caya y hofi na Hulanda, cu despues di algun aña den proceso porfin a keda cla.

Famia di Laura Wernet-Paskel na Aruba y na Hulanda conhuntamente cu Stichting Laura Wernet-Paskel tin e grato honor di informa Pueblo di Aruba di e decision tuma dia 31 di augustus 2021 di e Gemeentebestuur di Den Haag Hulanda, esta “Het College van burgermeester en wethouders”, asigna un caya y un hofi na nomber di señora Laura Wernet-Paskel (1911-1962).

E decision di Gemeentebestuur di Den Haag di dia 31 augustus 2021, no. DSO/10126558, ta menciona na punto 7:a , lo siguiente:

VII.denaam Laura Wernet-Paskelhof, Laura Simona Wernet-Paskel (1911-1962), schrijfster, onderwijzeres,

eerste politica op Aruba, met straatcode 22071 toe te kennen aan de nieuwe openbare ruimte, als aangegeven op de bij dit besluit (kenmerk DSO/10126558 van 31 augustus 2021) behorende, en als zodanig gewaarmerkte tekening Naamgeving Openbare Ruimte met tekeningnummer DSO. GI.323;

Por download e decision for di e link <https://denhaag.raadsinformatie.nl/>.

E aclaracion di e decision aki ta como lo siguiente:

Laura Wernet-Paskel

Laura Simona Wernet-Paskel (1911-1962)

Als schrijfster publiceerde Laura Wernet-Paskel poëzie en verhalen. Ook deed zij onderzoek naar de geschiedenis van Aruba, waarvan de resultaten lang na haar dood gepubliceerd zijn onder de titel ‘Ons eilandje Aruba’. Ze was ook onderwijzeres en de eerste politica op Aruba.

Banda di Laura Wernet-Paskel tin 7 otro dama mas cu tambe a haya un caya na nan nomber na Den Haag.

Nan ta: Annelies Marie Frank (Anne Frank, 1929-1945); Barbara Augustine (Guusje Nederhorst, 1969- 2004); Ida Simons-Rosenheimer (1911-1960); Raden Adjeng Kartini (1879-1904); Margaretha D. Fortuin Leenmans (1909-1998); Helga M.E. Ruebsamen (1934-2016) y Ellen Warmond (1930-1911). Ta bon pa menciona cu tur e cayanen aki ta keda den un barío/districto completamente nobo na Den Haag, Hulanda. Oficialmente e caya ta cay den e plan di construccíon Erasmusveld Midden.

Administrativamente e caya nombra na Laura Wernet-Paskel ta existi caba y ta aparece den e registro Basisregistratie Adressen en Gebouwen (BAG).

Famia Laura Wernet-Paskel y tambe Stichting Laura Wernet-Paskel



ta sumamente agradeci na señor Elias Araab, e persona principal den e proyecto aki di nombramento di un caya na Laura Wernet-Paskel. Por cierto un persona cu no ta Arubiano, ni Antiyano of Hulandes, sino procedente di Medio Oriente. Señor Elias Araab a keda hopi impresiona cu e buki di Laura Wernet-Paskel “Ons Eilandje Aruba” y tambe cu Laura su historia como maestra di school y e prome politico femenino na Aruba. Tabata su propio iniciativa pa acerca e Bestuurscollege na Den Haag Hulanda cu e proposicion pa asigna un caya na e persona ehemplar aki.

Su proyecto mes a inicia

como 4 aña pasa y te awor cu tur cos a keda cla, señor Araab a dicidi di divulga e noticia tremendo y noble aki na Famia Wernet.

P’esey, un biaha mas, nos ta extende un agradecimiento cordial na señor Elias Araab y su famia den nomber di Aruba completo. Aruba pabien, bo merece esey. Pa casualidad dia 8 september 2021 ta recorda 59 aña di fayecimento di Laura Wernet-Paskel, kende ta dera den santana banda misa Santa Famia na Santa Cruz.

Ta yena nos di e fundacion Laura Wernet-Paskel cu hopi orguyo, ya cu ta un yiu di tera di Aruba ta keda reconoci den Reino Hulandes di e manera aki.

AUTO A DRENTA BAO DI TRAILER NA SANTA MARTA

Diamars mainta den careda di 8.00 un auto a dreña bao di un trailer na Santa Marta.

Pa motibo desconoci un auto bahando di Sta Cruz (pariba) lo no a pone bon atencion cu tin un truck riba caminda. Consequentemente el'a dreña bao di e low boy.

E chofer tabatin tin suerte di su vida cu e truck lo a pone atencion na e situacion y a tuma mesora

tur precaucion. Por tuma nota cu ambulance a presenta na sitio pa brinda asistencia.

Na e mes un sitio aki, banda pazuid di caminda tin un cantidad di trailer ta wordo staciona. Bisiñanan na sitio a reclama cu e trailernan staciona banda pazuid ta hopi peligroso, pasobra anochi no tin bon iluminacion y nan ta forma un menasa pa trafico y un estorbo pa bisiñanan. E tereno ta di gobierno, pues



tereno publico, pero asina mes despues di entrega hopi keho na instancianan,

tur instancia a cera wowo y sigui permiti pa e trailernan aki keda

staciona banda pazuid di e compania aki riba tereno publico.

UKRAINA A DETENE DOS DI NAN PROPIO AGENTENAN HALTO PA COMLOT CU RUSSIA PA MATA ZELENSKI



Ukrania a detene dos di nan propio agente di seguridad pa traicion. Segun e informe ta bisa cu e dos agentenan aki di seguridad lo a bende informacion cu Russia den un plan pa mata e presidente Zelenski. E servicio di seguridad SBU a duna informacion dialuna riba

e dos detencionnan aki. E plan tabata pa secuestra Zelenski y despues mate. Tin informacion cu nan a haci esaki pa placa.

Servicio di inteligencia a intercepta nan plan y mesora a tuma accion pa detenenan. Cerca un di nan a haya drone y explosivo.

Vice presidente di Comité Olimpico Internacional y secretaria general di Comité Olimpico Arubano
Nicole Hoevertsz:

UN TEMPO TUR ATLETA OLIMPICO A PRATICA DEPORTE NA SCOL

Durante e lansamento oficial di e tres (3) edicion di Weganan Escolar, Sra. Nicole Hoevertsz, kende ta vice presidente di Comité Olimpico Internacional y secretaria general di Comité Olimpico Arubano (COA) a expresa cu e ta un placer di ta invita p'e lansamento di Weganan Escolar 2024. Pa Comité Olimpico Arubano e ta hopi bunita cu Weganan Escolar ta tuma luga un bes mas. Mas di 1000 alumno di scol preparatorio, basico y secundario lo bataya dos siman contra otro pa conquista e titulo maximo. "Tur atleta olimpico un dia a siña disfruta di deporte na scol.

P'esey deporte escolar y e



Weganan Escolar ta asina importante, pa introduci e muchanan na e bunita mundo di deporte", Nicole Hoevertsz a enfatisa. Alabes Sra. Hoevertsz ta recorda Pueblo di Aruba cu e aña aki tin Weganan Olimpico, unda cu nos isla tin atletanan cu ta competiendo den diferente disciplina. "Nos ta apoya

Weganan Escolar, paso ta nos futuro atletanan cu lo competi den Weganan Olimpico. Por ultimo, Sra. Nicole Hoevertsz ta felicita Minister Endy Croes, IBISA, Ministerio di Enseñansa y Deporte, scol-, maestro- y mayornan cu e bunita iniciativa aki. Ban haci Weganan Escolar un bes mas exitoso.

Den aña 2023

A.T.A. A INVERTI MAS DEN MERCADEO Y A WANTA SU GASTONAN OPERACIONAL MESCOS-1

Aruba Tourism Authority ta conta cu dos fuente di entrada. Ta trata aki di e “Tourism Levy” cu ta paga ora keda den hotel y e “Travel Promotion Levy” cu ta paga ora cumpra pasashi. For di “Tourism Levy” a drenta 99.2 miyon florin y for di e “Travel Promotion Levy” a drenta 22.1 miyon florin pa hunto forma un entrada anual di 121.3 miyon florin. Debi na crecimiento di e cantidad di bishitante, e entrada di Travel Promotion Levy a subi cu 2.7 miyon florin. Asina mes a resulta den menos entrada na aña 2023 compara cu e aña prome, debi na un cambio den ley cu a drenta na vigor desde dia 1 di januari 2023.

E tempo ey a subi e “Tourism Levy” di 9.5% pa 12.5%, pero gobierno a dicidi cu 57% di e entrada ta bay pa A.T.A. y e resto ta bay pa caha di gobierno. Pues, de facto, A.T.A. su entrada a baha di 9.5% na 7.125% efectivamente. Aña pasa a cobra 174 miyon florin na “Tourism Levy”, di cual 99 miyon florin a bay pa A.T.A. por cubri su gastonan di mercadeo y 75 miyon a bay pa Gobierno di Aruba.

Entradanan di A.T.A. Den cifranan por nota cu na aña 2022, A.T.A. a conta cu 123.8 miyon florin na entrada, mientras cu pa aña 2023 a haya 121.3 miyon florin, pues 2.5 miyon menos. E gastonan di mercadeo a suma 76.1 miyon florin, gastonan di operacion tabata 12.7 miyon, cu tabata mescos cu e aña

prome. Despues di kita tur gasto, A.T.A. a resta 32.5 miyon florin, cu ta bay bek na Gobierno di Aruba.

Inversion den mercadeo Bou di gastonan di A.T.A., ta figura mercadeo/promocion y e gastonan di “destination services”. Na mercadeo a inverti 59.7 miyon florin y na “destination services” a inverti 14.7 miyon florin, pa alcanza un suma total di 74.4 miyon florin. E gastonan di mercadeo di A.T.A. ta encera “Marketing y Promotions” den e mercadonan internacional, pero tambe pa cu inversionnan haci por hempel den actividadnan organisa pa Aruba Convention Bureau, y Airlift. . Bou di “destination services” ta inverti den Cruise y eventonan y adicional, ta inverti parti di e entrada den producto Aruba pa sigui mehora e destino Aruba. Como ultimo, ta aloca un parti di e entrada den e fondo di emergencia, cu ta rekeri segun e ley di A.T.A. Aña pasa a aloca 1.7 miyon florin den e fondo di emergencia.

A inverti 7 florin pa cada turista Pa cu inversion den mercadeo internacional, A.T.A. tur aña ta determina cuanto mester inverti pa logra haña un bishitante di Merca, Europa of Latino America. Den otro palabra, kico ta e “acquisition cost” pa logra haña un turista bini Aruba. Pa aña 2023 A.T.A. a inverti 7 florin pa cada bishitante pa anochi, mientras cu e “average daily

tourist spending” ta Afl. 532 pa turista pa dia, cual ta un subida di 26% compara cu 2019. E strategia di A.T.A. ta pa enfoca riba e turista cu ta gasta mas na Aruba.

Inversion local Pa loke ta inversionnan local den e producto turistico (cual ta cai bou di “destination services”), proyectonan cu A.T.A. a sea lidera of contribui na aña 2023 na dje a inclui mountain bike trail, buoys den lama, proyecto di Baby Beach, Stimami Sterilisami,



re-inicio di e Bon Bini Security Patrol Aruba” y Festival, e Aruba Art Fair, asina por sigui menciona introduccion di e “Tourism mas.

Continua pag 6



STATEN VAN ARUBA

OPENBARE VERGADERING OP 13 MEI 2024 OM 09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Ontwerp-landsverordening van de Kiesverordening ter waarborging van de persoonlijke levenssfeer van kiezers en ter bevordering van een efficiënt verloop van verkiezingen.

De Griffier,

mr.drs. Herman Ch. J. Hek

DEN E PROXIMO SIMANNAN SEGURO DI CAS LO TA CENTRAL NA ENNIA

E seguro aki su obhetivo ta pa proteha bo cas contra daño causa door di candela, awa, lamper, tormenta of otro circunstancia inespera



“Na ENNIA nos ta duna miho ta pas pa bo.”

cliente e escogencia for di diferente seguro di cas,” asina Samir Zambrano, Sales Manager di ENNIA Aruba a bisa. “Hopi hende, hopi opcion! Bo ta scoge, en realidad, pa e seguro cu

ENNIA ta ofrece tres diferente seguro di cas. Prome cu tur cos bo tin e seguro “Homeowner Basic” cu ta ofrece un cobertura basta amplio

a cambio di un premie atractivo.

E seguro di cas Homeowner Flexibel di ENNIA ta duna e posibilidad di hinca bo mesun seguro di cas den otro y scoge for di varios opcion extra.

P caba, bo por scoge pa e seguro Homeowner Ideal, perfecto pa esunnan cu ta desea di sigura nan propiedad cu e cobertura di mas amplio.

Zambrano ta conseha cada doño di cas pa controla bon nan seguro di cas actual. “Den caso di daño na bo cas, e gastonan di reparacion por ta considerabel,” e ta bisa. “Cu un seguro di cas bo ta haya compensacion pa e gastonan di reparacion aki, pa asina bo por disfruta di bo cas sin ningun preocupacion.”

Sinembargo, den e proximo 2 luna ENNIA ta ofrece ainda mas extra. Ora di cera un seguro di cas, bo ta haya un alarma contra candela completamente



gratis.

Pasobra preveni semper ta miho cu lamenta!

Tambe, si bo ta scoge pa un seguro di cas di ENNIA, ENNIA mes ta yuda bo cu e traspaso for di bo seguro

actual.

Pa mas informacion please bishita nos website: <https://ennia.insure/>. Aki bo por calcula directamente bo premie y pidi pa conseho gratis! Asina facil e ta.

DAMA CHAUFFEUR SIN RIJBEWIJS A MANIOBRA DAL PALO DI LUS DEN ZOUTMANSTRAAT

Dialuna mainta a drenta informe di un accidente na Zoutmanstraat, mesora a dirigi un patruya na e sitio. Na yegada di e patruya a bin compronde cu un dama chauffeur sin rijbewijs a haci un mal maniobra y a bay dal un palo di lus. Afortunadamente ningun hende a resulta herida.



Den aña 2023

A.T.A. A INVERTI MAS DEN MERCADEO Y A WANTA SU GASTONAN OPERACIONAL MESCOS -2

Continuacion di pag 4.

Gastonan operacional

Ora cu na aña 2022 a inverti 12.8 miyon florin den gastonan di operacion, aña pasa a bah'e na 12.7 miyon, pues casi igual. Esaki ta debi na un maneno estricto riba control di gasto. Mester tene cuenta cu A.T.A. tin oficina na Merca, na Colombia y na Hulanda. Un total di 30% di su trahadonan ta traha den exterior, na e tres oficinanan den cada continente.

Aña record

Aunke cu e entrada pa A.T.A. a baha compara cu e aña prome, por bisa cu pa pais Aruba tabata un bon aña. Cu e cambio di ley pa e "Tourism Levy", Gobierno di Aruba a cobra 75 miyon directamente y despues 32.5 miyon for di loke a resta di A.T.A., pa un total di 107.5 miyon florin. Esey ta haci

A.T.A. un di e contribuyente principal pa e caha di Gobierno di Aruba.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad 'Sui Generis' (SG), un organisacion independiente den e esfera publico. Aruba Tourism Authority ta fungi como 'Destination Marketing and Management Organization (DMMO)' y ta responsabel pa uni interes turistico entre socionan local y internacional.

Si compara aña 2023 cu 2011 ora a lansa A.T.A. SG, por nota cu Tourism Receipts a subi cu 94%, e cantidad di turista cu ta yega Aruba a aumenta cu 43%, RevPAR a aumenta cu 82% mientras cu turismo crucero a crece cu 36%. Den cantidad absoluto, na aña 2011, Aruba tabata conta cu 822 mil turista pa aña, mientras cu na 2023 a

alcansa 1.2 miyon turista pa aña, via aeropuerto. E cifranan aki ta subraya e forza di e destino y demanda pa cu esaki desde cu a funda A.T.A. SG. E contribucion total di biahe y turismo na GDP di Aruba lo alcanza 74% pa aña 2023.

A.T.A. ta pone hopi enfasis riba e e modelo di "High Value-Low Impact" cu ta para pa un balans entre aumenta e balor economico di e bishitante, posiciona Aruba como un pais desea y sostenibel y posiciona Aruba como lider den desaroyo como un destinacion.

Cu meta pa sigui mantene esfuersonan den linea segun e balans menciona y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.

MINISTER MADURO DI FINANSA A REUNI CU E COMPANIANAN DI RATING CU TA EVALUA ARUBA SU CREDIBILIDAD FINANCIERO



Durante e bishita reciente di Minister Maduro di Finansa na IMF Spring Meetings na Washington DC, e mandatario a reuni cu e companianan di rating cu ta evalua Aruba su credibilidad financiero pa e mundo financiero. Ta trata di reunionnan cu Fitch Ratings, Standard and Poor's, Moody's y KBRA.

Fitch Ratings

Aruba tin un relacion di casi 25 aña cu e compania Fitch

Ratings. Na maart ultimo nan a saca nan raport di evaluacion di Aruba den cual nan ta indica di ta positivo pa asina dentro di poco por hisa e rating di Aruba despues cu esaki a keda reduci durante e pandemia.

Standard and Poor's

Cu Standard and Poor's (S&P) tambe Aruba tin un relacion di mas di 20 aña y nan tambe recientemente a publica nan evaluacion di Aruba den cual

nan ta positivo riba e recuperacion financiero y economico di Aruba. S&P tambe a premira cu dentro di poco nan por hisa e rating di Aruba pa refleha e esfuersonan cu a wordo haci pa sigura e estabilidad financiero di Aruba.

Moody's

E aña aki Aruba a cuminsa traha cu Moody's como e di tres compania di rating pa duna un opinion riba e estado financiero y economico di Aruba. Algun luna pasa Moody's tabata na Aruba pa reuni cu tur instancia y persona necesario pa haya tur informacion relevante pa nan por haya un bon bista di Aruba. Na Washington Minister Maduro y su ekipo financiero, a brinda algun



detaye pa asina trece mas claridad pa ehecutivonan di Moody's por conclui e evaluacion.

Den e prome dianan di mei por spera e resultado di e evaluacion di Moody's.

KBRA

Minister Maduro y su ekipo a reuni tambe cu e compania di rating KBRA cu ta un compania cu te ainda no ta evalua Aruba. KBRA ta traha pa un compania priva grandi na

Aruba y den cuadro di e trabounan eynan ta mira tambe di cerca e trabounan cu Gobierno di Aruba ta haci pa sigura e estabilidad financiero di e Pais den cual e compania grandi aki ta opera.

Mester bisa cu KBRA

tambe ta hopi positivo riba e manera cu Aruba a recupera despues di e pandemia y e bon señal cu esey ta duna na e mundo di inversionista local y internacional.

Minister Dangui Oduber

DEPARTAMENTO DI SALUD PUBLICO A ATENDE WORKSHOP INTENSIVO NA PAHO WASHINGTON DC PRESENTANDO DATONAN DI ENCUESTA STEPS 2023



– Minister di Turismo y Salud Publico orguyosamente ta informa cu di 15 te cu 19 di april, profesionalnan di Departamento di Salud Publico Aruba (seccionnan epidemiologia, maneho den salud y promocion di salud) a atende un workshop di Pan American Health Organization (PAHO) na Washington DC.

Na e workshop, e profesionalnan di DVG a duna presentacion di e resultadonan di e encuesta STEPS 2023; y tambe a presenta tur programa y intervencion den prevencion di malesanan cronico cu actualmente ta

wordo realisa pa diferente organizacion na Aruba.

PAHO a keda impresion cu e maneho di Salud Publico na Aruba y con motiva y enfoca ta traha hunto cu su colaboradonan pa preveni, educa y promociona salud den diferente nivel. PAHO a ofrece diferente sesion na unda expertonan den diferente area, p.e. tabaco, a presenta estudionan haci den nos region, caminda tin programanan cu potencial pa explora na Aruba.

Departamento di Salud Publico tin e tarea awo pa finalisa e reporte y analisis di e data di e encuesta di STEPS 2023 haci conhunto

cu PAHO y CBS Aruba, pa un presentacion oficial di e resultado cu ta bai wordo haci na Aruba awo den luna di mei.

STEPS 2023 tawata un investigacion nacional riba factornan di riesgo pa cu desaroyo di malesa cronico no transmisibel bou di e poblacion di Aruba. A colecta datonan di informacion general y factornan di riesgo pa asina por actualisa maneho, programanan di salud y intervencion. Algun dato cu sigur a impacta ta e resultado di cifra pa loke ta referi obesidad, cual ta representa un reto significativo pa salud y bienestar di Aruba su poblacion.

Departamento di Salud Publico lo ta trahando duro den e ultimo fase di e reporte di STEPS 2023. Segun Minister Oduber, cu e conocimiento adkiri lo por yuda pa asina organisacionnan encarga cu maneho di salud publico por ricibi un bista actual di e salud di nos poblacion, pero tambe conoce e factornan di riesgo pa cu salud di nos hendenan. Asinta tur hunto implementa strategianan comprensivo cu ta trata e causanan fundamental di obesidad y ta duna poder na individuonan pa tuma decisionnan pa un bida mas saludabel.



Delicioso **8-mei**

COME DUSHI, COME BON

Bami Goreng+sate
Banana, green salad
Fish cutlet
aroz-Funchi-batata machika
Steak di wea
Aroz-Batata hasa-Broccoli
Galiña stoba
Aroz- Salada macaroni

Oké take
awaY.. Order Now
746-3571
565-3232
Santa Cruz 26

MINISTER ENDY CROES TA DESEA E EKIPO DI SOFTBALL HAPPY BROTHERS HOPI EXITO DEN COPA ABC NA SINT MAARTEN



Recientemente, Minister di Enseñansa y Deporte Endy Croes a acudi na e veld di Sabana Grandi den e curason di Santa Cruz, unda cu e ekipo di softball Happy Brothers di Sr. Poy Flanegin tabatin bendemento di BBQ. E meta di esaki tabata pa recauda fondo pa por biaha den e luna di mei pa participa den Copa ABC



cu lo tuma luga e aña aki na Sint Maarten. Mirando cu e ticketnan di biahe pa Sint Maarten a bira hopi costoso, e ekipo di Happy Brothers a cuminsa prepara di basta tempo caba pa por representa Aruba den Copa ABC.



Minister Endy Croes a pasa duna su aporte na nos atletanan local. Finalmente, e mandatario di Deporte ta desea e hoben atletanan di Happy Brothers hopi exito durante e competencia di Copa ABC na Sint Maarten e siman aki. Cu deseo, disciplina, dedicacion y determinacion ta logra.

Prome Minister Evelyn Wever-Croes:

NOMINACION PA CONDECORACION REAL A CUMINSA DIA 6 DI MEI 2024

Mi ta spera cu e reconocimiento valioso aki ta un inspiracion pa comunidad en general pa tambe haci trabounan boluntario aki na Aruba

Dialuna mainta, durante conferencia di prensa, Prome Minister Evelyn Wever-Croes a anuncia cu e oportunidad pa nominacion di un persona pa Condecoracion Real 2025, a cuminsa dia 6 di Mei 2024. Manera ta conoci, e aña aki, riba Dia di Rey, Gobierno a organisa un bunita evento na unda cu 18 persona cu a destaca riba diferente tereno, a ricibi un reconocimiento di Rey Willem Alexander for di man di Gobernador.

Prome Minister a splica cu pa un ciudadano bin na remarke pa un reconocimiento asina, lo mester adheri na cierto rekisitonan. E accento ta en particular riba prestacionnan pa y den comunidad.

Tin dos categoria; E prome ta

cu e persona mester ta eherce trabou boluntario, sin pago pa un periodo di mas of menos 15 aña, y e di dos ta cu e persona mester a haci prestacionnan hopi particular den nan funcion actual. E prestacionnan den tur dos categoria mester ta di un nivel hopi halto, superando loke normalmente ta wordo spera di su trabou y mester tin un balor excepcional p'e desaroyo di Aruba. Pa entrega un proposicion e persona lo mester yena dos formulario. E formularionan aki ta disponibel pa comunidad henter na Bestuurskantoor na Playa y San Nicolas, tur MFA, y online riba e website di Gobierno. E formulario mester wordo yena detayadamente y firma door di e persona y/of instancia cu ta haci e proposicion.

Decoratie Commissie Aruba ta enfatisa cu e otorgamento di e condecoracion mester keda un sorpresa pa e persona. No por avisa e persona cu ta bay propone, y e no por ta parti di e proceso tampoco. E ultimo dia pa entrega e proposicion ta dia 31 di Juli, 2024 pa 4 pm na Bestuurskantoor na Playa. Unabes e proposicion wordo entrega e lo wordo repasa pa e comision di Aruba pa wak si a cumpli cu tur rekesito, pa despues wordo manda pa Hulanda pa eynan nan tuma e decision definitivo. Tur proposicion entrega despues di e fecha aki, lo no wordo trata.

Prome Minister ta pidi comunidad completo pa duna honor na esnan cu merece. Na Aruba tin hopi hende cu ta haci trabounan boluntario, y hopi ta esnan cu no ta



propaganda loke nan ta haci. Pero e ta na su luga pa duna honor na e esfuerzo grandi cu e persona y/of e organizacion ta haci. "Mi ta spera cu e reconocimiento valioso aki, ta un inspiracion pa comunidad en general pa tambe haci trabounan boluntario aki na Aruba. Si abo ta un persona cu conoce un persona cu merece un Condecoracion Real, entrega e proposicion pa asina e persona aki por haya su reconocimiento mereci", Prome Minister a expresa.



Resultado pa e di segundo mita di 2023

Consumidornan tabata menos pesimista den e di segundo mita di 2023, mirando cu e indice di confiansa di consumidor a subi cu 1,5 punto di indice te na 94,1 den e di tercer trimester y cu 0,9 punto di indice te na 95,0 den e di cuater trimester di 2023 (Grafiek 1).


Den e di segundo mita di 2023, consumidornan tabata principalmente preocupa cu (i) e situacion di negoshinan y di economia lo deteriora (Q3-2023: 48 porciento, Q4-2023: 41 porciento), (ii) posicion financiero di gobierno lo empeora (Q3-2023: 37 porciento, Q4-2023: 35 porciento), y (iii) pa haña un trabou nobo ta mas dificil (Q3-2023: 36 porciento, Q4-2023: 34 porciento). Ademá, e respondentenan a anticipa cu e situacion financiero di hogar lo empeora den e di tres trimester (Q3-2023: 31 porciento), compara cu e cuater trimester (Q4-2023: 20 porciento). Aproximadamente 90 porciento di tur respondente a señala cu nan ta premira cu prijsnan lo ta mas halto den e proximo 6 lunanan, casi mesun porcentahe cu den e di tres trimester (Q3-2023: 91 porciento).

E indice di e situacion actual a subi den e di segundo mita di 2023, e.o.,

CONSUMIDORNAN MENOS PESIMISTA DEN E DI SEGUNDO MITA DI 2023: TA SIGUI TA UN PREOCUPACION GRANDI

cu 0,7 punto di indice te na 93,4 y cu 2,1 punto di indice te na 95,5 den e di tercer y cuater trimester di 2023, respectivamente. Ademá, e indice di expectativa a crese cu 1,5 punto di indice te na 94,5 y cu 1,1 punto di indice te na 95,6 den e di tercer y cuater trimester di 2023, respectivamente.

E cantidad di respondente cu a raporta cu haci un prestamo no tabata adecua, a aumenta cu 10 punto di porcentahe te na 63 porciento den e di cuater trimester di 2023 (Q3-2023: 53 porciento). Pa locual ta baymento cu vakantie, 48 porciento di respondente (Q3-2023: 37 porciento) a señala cu no tabata conveniente, mientras cu 46 porciento di respondente (Q3-2023: 36 porciento) a indica cu compra di aparatonan grandi electronico no tabata oportuno. Ademá, e respondentenan indicando cu tuma un hipoteca y compra di un auto no ta adecua, a subi na 59 porciento (Q3-2023: 53 porciento) y 56 porciento (Q3-2023: 52 porciento), respectivamente, den e di cuater trimester di 2023. Consecuentemente, e indice di habito di consumidor a subi cu 2,6 punto di indice te na 95,2 den e di tercer trimester di 2023 y despues a baha cu 0,3 punto di indice te na 94,9 den e di cuater trimester di 2023.



Grafiek 1: Indice di Confiansa di Consumidor

Fuente: Banco Central di Aruba

Informacion adicional riba e encuesta di confiansa di consumidor ta disponibel riba website di CBA (<https://www.cbaruba.org/>).

Banco Central di Aruba
2 mei 2024

Tocante Banco Central di Aruba
E proposito principal di Banco Central di Aruba (BCA) ta pa contribui na estabilidad financiero y e prosperidad economico di comunidad di Aruba. BCA ta

logra esaki door di implementa un maneho monetario efectivo dirigi na mantene estabilidad di balor fiho di e florin contra e dolar Mericano, promove e solides y integridad di e sistema financiero y formenta un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno di Aruba. Ademá, e ta regula e transaccionnan di pago cu exterior y ta administra e divisanan di Aruba y ta vigila e uzo di esaki. Pa mas informacion riba Banco Central di Aruba, por bishita nos website www.cbaruba.org

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Gran acogida pa Labor Day Bash di Gerlien Croes



Diaranson 1 di mei ultimo parlamentario sra. mr. Gerlien Croes cu sosten di su team di voluntario a organisa un evento deportivo yama Labor Day Bash. Na sede di Aruba Juniors na Oranjestad a tene un torneo Knock Out di Softball, como tambe un Torneo di domino compaña pa un gran ambiente familiar cu a transcuri for di mainta te despues cu solo a baha.

A conta cu nada menos cu dies ekipo di softball. Despues cu tur a hunga y pasa bon, team nan Sting-

ers, Black Out, Taxi-Boys, Yoyo Power y Quisqueya a resulta e gran vencedornan di e partidonan di softball. Pa loko ta trata domino, tabatin cuater ekipo di cual e final a resulta na fabor di Team Snor cu e score di 21-10 contra team Bou Palo, mientras cu Pariba Legends a gana Seroe Blanco 21-14. Fuera di e bon partidonan di softball y domino, tambe a disfruta di un wega di kickball di damas na final di evento.

Banda di tur e emocion di e weganan riba veld, e

dia a sirbi tambe pa amigo y conoci bini hunto, fomentando asina mayor contacto social. Bar y cushina a haya hopi elogio y tur cos a caba na fin di dia, mientras cu tambe tabatin chens di dal poco paso riba pista danki na e animacion musical di Mellow Band.

Pa e politico hoben tabata un placer di por a combersa cu tur presente. Tabata un bon oportunidad tambe pa scucha di e preocupacionnan den comunidad e intercambia idea. Gerlien ta masha gradici y sat-



isfecho cu e apoyo ricibi. Croes: “Un danki di curason na tur ekipo cu a participa, na tur miembro y boluntario di e comision organizado, na tur bishitante y na tur cu a haci e evento posibel. Boso tur a aporta pa haci nos evento di Labor Day Bash un exito grandi!” Gerlien Croes actualmente ta miembro independiente

di parlamento, mama di dos yiu homber activo den deporte di baseball y futbol y sostenedor ferviente di actividadnan cu ta contribui na bin bek cu e union social cu Aruba tabata conoce. Pa haya sa mas di e proximo pasonan di Gerlien den tereno profesional y social, keda atento na su perfil di Facebook y instagram.



Chauffeur sin rijbewijs bahando for di Riu Palace su dilanti auto a slip bay dal y kibra wiel di auto



Diasabra mainta tempran a drenta informe di un accidente na Rio Palace. Mesora a dirigi un patruya na e sitio. Na yegada di e patruya a bin compronde cu un chauffeur sin rijbewijs den un Mitsubishi Attrage shinishi lo a slip na e bahada dal den e trottoir y a causa un daño. Afortunadamente ningun persona



a resulta herida. Polis a tuma datos di e accidente aki. Polis a duna e hoben

un boet pa core auto sin rijbewijs y ocasiona un accidente.

Chauffeur di un van no a regula su velocidad ni a mantene distancia a bay dal tras di un otro van su dilanti

Dialuna mainta a drenta informe di un accidente riba E. J. "Watty" Vos blvd. pabao di e brug na Ponton, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu e chauffeur di un Van Hyundai H1 bayendo pabao no a regula su velocidad ni mantene distancia a bay



dal tras di un otro van cu tabata su dilanti. Afortun-



adamente ningun hende a resulta herida.

Polis y ambulans a bay J.G. Emanstraat pa un dama cu a bira hopi malo y tabata blo saca

Dialuna madruga a drenta informe di cu tin un dama cu lo a bira hopi malo na J.G. Emanstraat, mesora a dirigi tanto polis como ambulans na e sitio.

Na yegada di e patruya enberdad a encontra e dama sacando y a bira hopi malo.

Na yegada di e ambulans nan a atende e dama y a transporte pa hospital.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am - 4:00pm

Olive Tree Social Department ☎ (+297) 743 7411
www.olivetreefuneralhome.com

Accidente na Tanki Flip auto a bay bira net ora cu otro ta pas'e y a dal'e bire 180 grado



Dialuna mainta a drenta informe di un accidente na Tanki Flip, mesora a dirigi un patruya na e sitio. na yegada di e patruya a bin compronde cu aki ta trata di un accidente unda cu un dama chauffeur di



e Nissan March bayendo nort a bay bira na man robes banda di La Oficina net ora cu un Hyundai Accent ta bay pas'e ela dal e na e skina

patras banda robes y a bir'e 180 grado. E dama chauffeur tabata keha di dolor na su brasa pero no tabata desea asistencia di ambulans.

Parlamentario independiente mr. Gerlien Croes:

Entre pleito y punta dede riba otro, Aruba mester di algo diferente

Den su forma caracteristico, cla y raspa, parlamentario independiente mr. Gerlien Croes a trece punto valido e importante dilanti durante su disertacion. Esaki a sosode durante un reunion publico den cual Minister di Labor e Integracion, Glenbert Croes a bin pa contesta pregunta, cu na luga di ofrece un solucion, a sigui patronchi di politica anticua, sin un vision cla pa e futuro di nos pais.

Tras di otro sesion maratonico den Parlamento, mester a constata cu ta keda tira responsabilidad di un banda di sala pa otro, mientras pueblo ta warda riba solucionan pa futuro. Gerlien Croes a señala cu Minister Croes tin tres aña cu e cartera di admision e integracion, pero a pesar di estudio, handboek y landspakket, e situacion ta mescos. Y mescos por bisa di e minister anterior.

Ainda tin miles di peticion pega y e manera con

DIMAS ta funciona no ta optimal.

Ta bira mas preocupante ora ta realisa kico ta spera nos den e futuro cercano, segun e parlamentario independiente. Pareu cu AHATA y AFBA ta papia di e deficit den forsa laboral, cifra di SVB y AZV ta indica cu 34.683 persona ta proyecta pa ta pensionado na 2030. Di otro banda, ta spera 1.900 camber nobo di hotel entre 2024 y 2025.

Nos tin 40 aña ta maneha e pais den un circulo vicioso di maneho ad hoc cu ta crea problema durante gobernacion, pa laga e problema atras pa e proximo gabinete y den un proximo periodo di campaña priminti cu ta bay soluciona e mesun problema cu a laga atras pa otro. Y ainda nos no ta siña di pone atencion na cifra y data pa tuma e miho stap pa nos pais.

Gerlien Croes: "Paso esun cu a bisa na 2017 cu e ta bin soluciona locual cu

mester y otro a laga atras, tampoco a solucion'e ainda. Mas aun, ta hinca nos den mas problema si nos mira kico ta spera nos.

Si nos no realisa cu ta yega momento cu Aruba mester optimalisa y stop di sugar coat e situacion, nos tin cu bay wanta duro pa e futuro di e pais aki."

P'esey Parlamentario Croes ta urgi su coleganan pa stop di culpa otro y cuminsa papia di kico ta bay haci. Con ta bai maneha inmigracion pa cu e forsa laboral? Y con ta bay acomoda tur hende den e sistema di salud, enseñansa, etc.? P'aworaki e realidad tristo ta cu Aruba ta mesun caminda; mey mey di pleito entre partidonan, mientras Aruba mester di algo diferente.

Na luga Minister bin parlamento pa contesta pregunta y defende su maneho, mester a presenta un plan di con ta bay atende cu e necesidad di mas trahado cu ya ta batiendo na nos porta. Sra. Croes



a cuestiona e minister tambe riba motibo pakico ainda no por a bin cu un solucion pa e impasse entre EPI y Hospital pa cual graduado no por haya trabou.

"Esey ta pasa ora bo ta carece di empatia y amor pa e pais aki, bo no ta worry. Bo ta sinta eynan warda e

dia bo completa bo 8 aña pa haya pensioen, anto e resto esun cu ta bin mi tras por wel di wak con ta atende cu e retonan cu ami a laga atras. Esey ta loke a pasa pa añas y esey tabata bisto awe mainta atrobe," asina e parlamentario a remarca den su disertacion.



BRIYANDO FUERTE • TRECIENDO CLARIDAD

**TA BUSCA PARTIDORA DI
CORANT PA AREA DI**
Simon Antonio - Pos Chikito
Brazil - Sanicolas
Horario: 7.30 pm

Contact: 585-9500
E-mail: solodipueblo@gmail.com

MINISTER ENDY CROES A ACUDI NA E PROYECTO DI BAN CAYA DEN E CURASON DI SAN NICOLAS



ORANJESTAD: Den e luna di april, e proyecto di Ban Caya a tuma luga den e bario di San Nicolas, den henter e area di Joe Laveist Sport Park. Riba Dia di Rey, Minister di Enseñansa y Deporte Endy Croes tabata presente y a comparti un tempo ameno cu e habitantenan di San Nicolas. E proyecto aki organisa pa CEDE Aruba, IBiSa y Gobierno di Aruba tin e meta di reactiva e barionan, unda e habitantenan por pasa un dia cu nan sernan keri y conoce mas di nan bario. Tabatin diferente actividad deportivo, wega di baseball di mucha den Joe Laveist Sport Park, bus di salud, skina di wega pa mucha, competencia di hotwheels y presentacion di teatro, baile y canto. E banda musical Groove Masters y cantante Ataniro a deleita tur presente cu nan tremendo repertorio. E habitan-



tenan di e bario di San Nicolas por a comparti cu otro y pasa un rato placentero. Minister Endy Croes

ta gradici CEDE Aruba, IBiSa y Gobierno di Aruba cu ta organisa e proyecto bunita aki.

Celebra dia Di Mama cu desayuno of dinner na Laguna

The Hilton Aruba Caribbean Resort & Casino recientemente a introduci henter e Laguna completamente renoba cu asiento confortabel ambos paden y pafo. E restaurant ta sirbi desayuno diario y dinner na guest di resort como tambe localnan na 25% di descuento.

Na honor di e celebracion di Dia di Mama, famia y amistadnan por disfruta di un tempo ameno cu otro durante un desayuno cu ta

rek bay te cu merdia pa e dia special aki. Disfruta di ful e menu ala carte of di e buffet di fruta fresco, yogurt, omelets y webo pa order, warm bites, pan fresco y juice natural, coffee y te hunto cu un variedad grandi di cos dushi. E restaurant su menu nobo ala carte ta inclui platonan popular manera Super BLT Croissant, Tropical Acai Bowl, Old Bay Cakes y Arepa Reina Pepiada. Un menu cu tin wake-up cocktails y smoothie fresco na

bo gusto, cual ta añadi un toke unico na e comienso di e dia.

Pa famia y amistadnan cu ta desea di celebra e hende muhe di mas importante den nan bida durante dinner, e resort su brigada culinario a prepara un a la carte festivo special pa dinner cu un escogencia di tres aperitivo, tres entrada y un postre inolvidabel.

Dinner ta cuminsa cu un Amuse Bouche, Crispy Herb Bread, hunto cu honey-pomegranate tuna salad. Algun aperitivo delicioso ta inclui tambe Grilled Shrimp Salad, Escargot y Brioche Skewer, of Palmito Ceviche. E specialnan riba e entradanan ta inclui

Honey Soy Glazed Sea-bass, Brown Sugar Tofu y Quinoa Salad, of Herb Crusted Rack of Lamb. Pa postre, e Deconstructed Black Forest Cake cu crema, cherries y chocolate-shavings cual ta haci un final sensacional sumamente delicioso na un bon anochi, un manera hopi bunita pa muestra aprecio pa mama.

Laguna ta habri pa Dia di Mama riba 12 di Mei pa desayuno entre 7'or di



mainta pa 12'or di merdia y pa dinner cumisando for di 5:30pm te cu 10:30pm. No ta rekeri reservacion, pero pa gruponan mas di 6 persona ta preferibel pa haci un reservacion prome cu bin. Por tuma contacto libremente cu Laguna riba +297 526 6612 pa mas informacion.



HOROSCOPO

8 di Mei 2024

Feliz y productivo diaran-son. Solo di Pueblo ta pre-senta bo horoscop pa dia 8 di mei, 2024.

Aries
Bo tin e tendencia di cay den e monotonia senti-mental. Bo economia no ta permiti bo realisa hopi gasto. Jupiter, planeta protector, lo yuda bo den bo trabao. Stop di kere cu bo t'asina fuerte y descan-sa mas. Number di suerte: 76, 78, 9.

Tauro
Lo tin combersacion largo cu bon amigo. E exceso di gasto lo afecta bo econo-mia. Bo ideanan pa obtene mas rendimiento ta hopi bon. Sin mas tardamento, haci un chekeo. Number di suerte: 32, 96, 5.

Geminis
Tin tension cu bo pareha, pero nan ta momentaneo.

Economicamente no tuma decision precipita. Purba ta mas disciplina den bo trabao. Percura descansa y cuida mas bo alimenta-cion. Number: 16, 56, 3.

Cancer
Bo ta haya falta di un hen-de cu ta nifica hopi pa bo. Lo bo mester gasta parti di e placa cu b'a spaar. No permiti p'e trabaonan acumula. Ora bo cuminsa cu un biahe, hiba e reme-dinan basico. Number di suerte: 79, 23, 3.

Leo
Situacion bastante emo-cionante den lo sentimen-tal. Tramite burocratico lo retrasa e cobramento di un placa. Percura pa bo no compromete mas di loke bo por na bo trabao. Bo garganta lo ta sensibel n'e cambionan climatologico. Number di suerte: 49, 35, 6.

Virgo
Ricibi amor lo ta hopi bon, peor tambe mester dun'e. Ricibi inesperadamente un importante cantidad di placa. Bo expectativa-nan profesional lo wor-do cumpli. E preocupa-cionnan lo haci bo kere cu bo ta malo. Number di suerte: 22, 13, 6.

Libra
Busca e manera di pasa mas tempo hunto cu bo pareha. No laga bo instin-tonan consumista domina bo. Maneha bo asuntonan laboral cu tacto. E base di un bon salud ta den u ru-tina diario sano.

Scorpio
E cuestionnan amoroso no ta relevante awe. Porfin bo por reforma bo cas cu e en-tradanan nobo ey. Adapta n'e airenan di renobacion di bo empresa. E wesonan

por resenti si haci di mas cu deporte. Number di suerte: 89, 96, 4.

Sagitario
Esunnan cu ta rond di bo lo purba di haci bo feliz. Finansa ta bay bon, dedi-ca na cumpra, bende of in-verti. Trabao pisa y laaf, ta algo transitorio. Vigila bo salud, ya cu bo por haya bo algo altera. Number di suerte: 41, 23, 8.

Capricornio
Move cu diplomacia riba tereno sentimental. E gas-tonan extra no lo bay pone bo economia na peligro. Bo poder di concentra-cion lo aumenta. Hero t anecesario p'e organismo, vigil'e. Number di suerte:

12, 25, 5.
Acuario
Semper bo ta discuti p'e mesun cos cu bo pareha, solucion'e. Limitacion eco-nomico ta na caminda. Bo ta disfruta di gran flexibil-idad mental y capacidad di trabao. E garganta lo ta bo punto debil, no tuma be-bida mucho friu. Number di suerte: 51, 26, 6.

Piscis
Bo poder di seducccion lo aumenta, scoge bon. Kisas lo bo caba cu tur bo en-trada, pero lo bo repone. Tuma curashi prome cu bo papia cu bo hefenan. Molester di stoma pasa-hero lo aparece. Number di suerte: 59, 84, 3.


Sudoku

	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	

	7			2			4	6
	6					8	9	
2			8			7	1	5
	8	4		9	7			
7	1						5	9
			1	3		4	8	
6	9	7			2			8
	5	8					6	
4	3			8			7	

Turista a hay'e den gasto pa un otro auto cu a pasa dal su auto di huur staciona den parkinglot di supermercado

Dialuna merdia a drenta informe di un accidente den parkinglot di un su-permercado na Cumana, mesora a dirigi un pa-truya na e sitio. Na yegada di e patruya a bin compro-nde cu aki ta trata di cu un turista a bay cu auto di huur para esaki den e parkinglot pa haci compra na e supermercado pero na su regreso a nota cu un auto blanco a pasa dal e bumper di e auto di huur y sigi core bay. Awor e tur-ista aki tin un gasto pa bay cubri. Polis a tuma datos y a keda di busca e video di e camara di seguridad di



e lugar pa asina bay busca esun responsable.

CU GRINDING MACHINE
DI BATERIA LADRONNAN
A CORTA HANDLE DI
CONTAINER PA HORTA NA
DELI CARIBBEAN



Diadomingo mainta a drenta in-
forme di un caso di kiebro cu la-
droncia na Deli Caribbean, me-
sora a dirigi un patruya na e sitio.
Na yegada di e patruya a bin
compronde cu e ladronnan a bini
cu un grinding machine di bat-
eria corta e handle di e container
y a drenta horta mitar palet di
batata.

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.

Autor: Cado Wever.

Cu inmenso dolor na nos curason, nos ta anuncia fayecimento
di nos ser stima:

Lurbia Maria Maduro

Cariñosamente yama: “Lulu of Mamita”

*11-12-1927 - †27-04-2024

Vda. di Tyberth Linsay cu a wordo entera cu honor
Militar na Arlington USA.



Ex empleada di Telefoondienst +/- 1947

Ex empleada di Openbare Bibliotheek na Wilhelmin-
astraat 1958-1960

Ex empleada di Bestuurskantoor voormalige archief &
registratie nu bureau BID +/- 1961-1974

Ex empleada di Instituut Coudewater gemeente Rosmalen

Ex empleada di Arbeidsbureau Veghel Ned.

Ex empleada Mgr. Zwijsencollege Veghel Ned.

Ex empleada W.V.E.O Veghel Ned.

Na nomber di su yiunan:

Hermine Linsay

John Linsay y famia na Hulanda

Nieta y nieto: Jessica Linsay y George Linsay

Sobrina(o)nan: Rosa Wever y famia / Louisa Wever

Francis Wever y famia

Omar Maduro

Nectali Maduro

Margarita Maduro

Sobrina stima: Carmen Maduro

Sobre sobrina(o)nan:

Aimeé Robert y Jay Lovell yiu Zenny-Ann Henriquez

Ismay Robert y yiu Zayden Briesen

Joel Geerman y Miloushka Trimon y yiu Kaëly Geerman

Richnelda y Joathan Kock Vries y yiunan Jahziënne Kock y Jahlainey
Kock

Jaylene Vries y Marshall Petronilia y yiu Xaithyël Petronilia

Manera su nieto: Ramsey y Giselle Acosta y famia

Aldwin Acosta y famia

Zuster Jacoba Dirks-Krozendijk y famia

Comper y comer: Edgard Boekhoudt y Louisa Hart y famia

Fabio y Editha Croes-Maduro y famia

Iha: Judith Croes

Franklin Krosendijk

Ayudante di cas: Ana Antonia Del Rosario Gomez

Marietje Pestano de Agrela y Freddy Rosina

Fabiola y Chis

Prima(o)nan: Ros y casa Vis-Croes y famia

Betty Harms y famia

Edwin Angela y famia

Wit Gele Kruis: Janin Godoy-van Hooft, Rachel, Myléne, Sandra, Magaly,
Sharine, Lourdes, Liesbeth y Sharléne.

Demas famia: Maduro, Linsay, Hanief, Khan, Laclé, Vries, Kock, Wever,
Robert, Petronilia, Acosta, Dirks, Krozendijk, Boekhoudt, Hart, Croes,
Geerman, Pestano de Agrela, Rosilo, de Kort, Henriquez

Ta invita pa acto di entierro cual lo tuma lugar na Aurora Funeral Home
diasabra 11 di mei 2024 di 2’or pa 4’or di atardi. Despues lo sali pa San-
tana Catolico na Paradera.

Nos disculpa si den nos tristesa nos por a lubida
algun famia of conocir.

Aruba Bank a partner cu Kiwanis Club of San Nicolas pa engrandece King's Night Street Fair



Oranjestad – 2 di mei 2024 – Kiwanis Club of San Nicolas su King's Night Street Fair ta un evento cu anualmente ta tuma lugar den Caya Grandi di San Nicolas en conexion cu celebracion di Dia di

Rey. E evento a conta cu musica, cuminda, y bon ambiente. E King's Night Street Fair ta trece hunto empresarionan local, artistanan, y habitantenan pa un anochi di entretenimiento y celebracion.

Basa riba e exito di e evento di aña pasa, King's Night Street Fair a bolbe cu mas iniciativa pa ofrece na nos comunidad. E aña aki un "Food Court" a wordo introduci den e parking lot di Aruba Bank su sucursal na San Nico-



las caminda bishitantenan por sinta trankil y savoria nan plato.

Nos a brinda e espacio extra aki pa sigura un experiencia comodo y placentero

pa tur bishitantenan. Nos ta hopi contento di a partner cu Kiwanis Club of San Nicolas y nos ta comprometi pa sigi sostene iniciativanan cu ta trece nos comunidad hunto.

Minister Ursell Arends: Aruba ta Compromete pa Alcansa Cero Emision di Carbon pa 2050 Hunto cu Iniciativanan Sostenibel pa Turismo y Aviacion

Durante e "ICAO Global Symposium 2024" na Implementation Support Santa Domingo, Minister

Arends a dirigi palabra na lidernan mundial y a delinea e compromiso di Aruba pa alcanza e obhetivo global di cero emision di carbon pa 2050.

Enfatisando su rol como Minister di tanto e sector di transporte como proteccion di naturalesa, Minister Arends a asegura e compromiso firme di Aruba na e meta aspiracional a largo plaso pa integra practicanan sostenibel y trece balanse entre e sector di turismo y e preservacion di naturalesa.

"Nos ta enfrente desafionan unico como un isla chikito cu ta depende ariba conectividad aereo. E dependencia aki riba turismo—cual mayoria ta turismo aereo—ta rekeri nos pa reevalua e impacto di e crecimiento di e sector aki," e Minister a

mentona. "E capacidad di carga di Aruba pronto ta un tema relevante cu bibando den nos comunidad, cu lo rekeri un ahustacion na e desaroyo di e sector di turismo, alabes un efecto siguiente lo ta riba emisionnan di carbon. E balans entre transporte aereo y conservacion di naturalesa ta bira esencial pa Aruba su futuro."

Puntonan principal cu a wordo menciona ta:



- Consejo Nacional di Resiliencia Climatico (NCRC): Aruba a establece un consejo dedica pa mehora e resiliencia climatico di nos isla, poniendo como punto di salida e bienestar di tanto sociedad como naturalesa pa futuro generacionnan.
- Plan di Accion Estatal pa Aviacion: Siguiendo e guianan di ICAO, Aruba ta desaroyando un plan comprensivo pa reduci emisionnan di aviacion mediante combustibelnan sostenibel, tecnologia nobo, mehoracion operacional, y compensacion di carbon.
- Colaboracion Regional y Internacional: Aruba ta sigui participa activamente den e Comis-



ion de Aviacion Civil di Latino America (LACAC) y ta uzando su relacion como parti di Reino Hulandes pa comparti conocimiento y fortalece esfuersonan colaborativo contra desafionan climatico.

Minister Arends a resalta e necesidad pa strategianan di adaptacion. Por ehempel e posibel impacto di subida di nivel di lama, riba infraestructura di Aruba su aeropuerto. Subrayando e urgencia di planificacion pa e sostenibilidad a largo plaso di e conectividad di e isla.

"Enfrentando e realidad di cambio climatico, strategianan no solamente mes- ter enfoca riba mitigacion pero tambe adaptacion," e Ministro a conclui.

<div><div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 7 Mei 2024 Merdia</div></div>		
<div><div>CATACHI</div><div>Sorteo # 4259</div><div>9963</div><div>9413</div><div>2668</div><div>MULTI-X</div><div>X2</div><div>BIG 4</div><div>Sorteo # 4259</div><div>4826</div><div>MULTI-X</div><div>X2</div><div>10FF</div><div>Sorteo # 2315</div><div>5327</div><div>ZODIAC</div><div>Sorteo # 4259</div><div>9587</div><div>Libra</div><div>LUCKY 3</div><div>Sorteo # 1133</div><div>247</div><div>MULTI-X</div><div>X2</div></div>	<div><div>LOTTO 5</div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div> <div><div>LOTTO DIA</div><div>Sorteo #</div><div>0 x Jackpot</div><div>0 x Match 4</div><div>0 x Afl. 8,00</div></div> <div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div><div>KORSOU</div><div>Sorteo #</div></div>	<div><div>Joker</div><div>Letter</div><div>Proximo Jackpot</div><div>260.000,-</div></div> <div><div>Proximo Jackpot</div><div>55.000,-</div></div> <div><div>Mega Ball</div><div>Proximo Jackpot</div><div>440.000,-</div></div> <div><div>Afl. 580.000,-</div></div> <div></div>